

集部

搞文堂集卷 二至

詳校官庶吉士臣限若霖 侍讀正孫球覆勘

腾绿监生臣秦 腾绿监生臣 董 録監住臣王人作

澐

欽定四庫全書 橋文堂集十五发 提要 臣等謹案搞文堂集十五卷宋慕容彦 寧元年除秘書省校書即歷官刑部尚書卒 超文友宋史不為止傅其生平行履僅見永樂 士調銅陵主簿後中詞科遷淮南節度判官崇 逢撰房逢字叔遇宜與人元祐三年進 集部三 别集類二京

欠とりまという

橋文堂集

有慕容彦逢集三十卷其目與誌頗不合今 制二十卷内制十卷奏議五卷講解五卷藏 據彦逢孫綸原序稱因兵火散失論搜訪所 於家合計之當為六十卷而宋史藝文志載 大典所載墓誌中誌稱所著文集二十卷外 是集乃綸所重編宋史據以著録故與墓誌 得分為三十卷命工鏤板目以擒文堂集則 互異也彦逢才藻富瞻當紹里初設宏詞科

全りにし べつ

次定四車全書 輯宗文鑑不録彦達一篇其擯斥之意當由 四上殊可嗤鄙又如理會居養院學校諸割 刑部獄空及天下奏案斷絕具劉稱賀至三 希睹識言惟多以獻媚貢諛裝惑主聽如以 尚幾數百篇其禁遇不為不至而檢核所作 十有五年一時典冊多出其手令集中存者 實首中其選後受知藏宗列禁近官侍從者 子亦皆希廟堂意肯所尚曲加文飾日祖謙 摘文堂集

全りてえ 典所載分類哀輯釐為詩二卷雜文十三卷 觀就文論文固亦未可竟廢也謹據永樂大 故不至附會重蔡以成其惡名耳然其文章 以考見崖畧馬乾隆四十六年九月恭校上 而以諡議墓誌别為一卷附之庶讀者尤得 雅麗制詞典重温厚尤為得體詞采殊有可 於此特因其沒於政和七年時事尚未潰裂 總豪官紀的 陸錫熊 孫士毅

				_				
をとりっという	1				l	!		
\geq	1				1		1	
7		. !						
2					1.			
2				}				
-				 				
						·	!	
~					1	}		
Ų						ľ	1	
- 1					}	1.	i	
Ì					{	1	1	11
34				1			į į	
. 47					l	}		
<u>×</u>			1					
棋文堂集			} ·	1			1 400	
林			1	1.			, .	總
							1	
i		1.0				1		
					1.	1		校
1			1					, j.)
				1		1		4
i					1			官臣陸
		1			1.			臣
				100			İ	7£
=		1						产
		1			1			抽
		'						费
.			1.55		1			
- 1		1	11, 5	1.0	1			堀

		i .				
		1.				
				1		
	1	1				
			}		100	
			1			
						1.
ł						
	1 1					1.1
	i l					İ
	!					
	}	1				
i .		1				
!						
	ľ					
		1				
I}·	1 1 .	1	1.3	1	-	!


一讀之終日亹亹忘後常置左右以為殺式大哉王言誠 者文忠蘇公而已是以皇上萬幾之服親御翰墨為之 原序 安定功事全事 人 為文堂果 古今以文名家者多美其有無作者之妙為百代之師 世况深衆見知者平尚書文友公家世伊洛河南王之 萬世不利之典也當時學士大夫有經品題皆足以垂 序賛有曰他人之文或得或失多所取舍至於軾所著 遠裔也天姿秀技自幻篤學之老不倦家蔵書數萬卷

德未足究其所學而然和御製數演解命忠言議論高文 **徳文章有黙契於言意之表宜乎聲相應氣相求也公** 初屬設詞科一武而首中之雅為蘇公所器重誠以道 大肆浩治乎莫之禦也元祐問弱冠昼進士第至紹聖 手親是正不憚寒暑蓄諸中者既豐故發諸外者汪洋 司鳳閣直靈坡登八座五知貢舉天下服其文鑑之高 大冊每篇奏御必蒙褒嘉真足以造作者之淵源垂將 名公鉅卿多出其門楊歷華途垂三十載惜乎位不淌

失幾盡慕容太守為公嫡孫力於親舊問搜訪所蔵尚 來之軌範也平生所著百有餘卷因兵火盜賊之後散 大三丁·人丁 正建明之公有朝廷諡議與夫行狀誌銘在開卷昭然 若乃孝友之行忠誼之即謀散之嘉德量之廣操履之 之志能使乃祖鴻筆麗藻光傳後世孝也天下學者有 固無待僕措辭而後見也輕因其文而次第之以為不 所師法仁也仁且孝君子之能事畢矣奚敢以不敏群 及千篇患其先後踳駁且命與祖訂正之與祖善太守 摘文堂集

なりした 中詞科之選自會務教官被召際遇明主編悉臺省進 先大父少師文友公弱冠登元祐進士第建紹聖初首 歲次丁未正月上日從政即象州州學教授劉興祖謹 朽之傳公諱彦逢字叔遇文友其諡云淳熙十有四年 失幾盡綸近於親舊間搜訪所得尚及干篇分為三十 外制二十老講解五卷奏議五卷因兵火盗賊之後散 登八座平居服日未當釋卷有文集二十卷內制十卷

| 次足の車をす 次丁未下元日第四孫朝奉郎權知象州軍州無管內 勘農事借紫綸謹書 卷命工鏤板目以文友公擒文堂集時淳熙十四年歲 擒文堂集



1.10 mm / 1.1.10 Company of Secretary desperations The second of th 以謂予不信并以充寄予佐金華獲觀馬 公本のないないがいないので 橘文坐集 **於問以瑞告曰兹十有二** 两夾峙尾首鱗次花舉 一雜青紫拂之可去留 撰 月

風解凍蟄蟲始振草木萌動旦與親異惋愕未詳非 金字口匠人 以自固舍翠縹而外揚質糝糁兮可拂色葱蒨而煒煌 非畫雜以青黄托髙甍以耀藻濡港露之清光靡纖祗 協治之歲辛月季冬十有九日春今已融日維癸酉東 卿雲之敷葉始膚寸而未将于是晨輝俯映宿霭盡 秘艶發散奪人目力非卉木之常安集孔翠之文翼 美夫豈無因而至耶祝令請賦之予曰唯唯 曰嘻靈物効样胡可勝記彼陶而花未覩兹

於延垣是日也問卷驟傳觀者如堵詢於黄髮于時語 蹇将蔓而莫承紛既絕而未極疑飄颻以騰上不終悴 钦定四華全書 人 舉相類毫素模傳示來裔積善之家益如是 靄蘭蕙神之聽之錫跪瑞所居有光霄燭地旦出土牛 儀圖之歌以紅之乃歌曰江山之陽有祝氏奕世清芬 前人是似儒行聿修世有清議惟兹降祥神實司之我 語曰惟祝氏舊有令人詒厥隱徳庇貺子孫惟子惟孫 知改歲瓦上雙花應春至神巧無宗奪人偽瓦泉花繁 **橘文堂集**

未息揮汗于顏情悄悄以遐想思鬱鬱而永嘆欲吐辭 阻 居爱竹成癖挹之而後飲翫之而後食或攀枝而歌或 兮囁嚅步芳芷兮蹒跚久乃指並嚴之竹曰始子之間 友時予三益如接晤言具建莫逆惟今予懷與昔迎殊 就蔭而息或客之以來風聲或踩之以招月色與竹為 且修我僕痛矣想於道周念兹迅酮向夕知還予行 佐金華言從吏役方暑蘊隆仰畏炎日載馳載驅道 嚴行賦元枯六年某道 有感

火足四季一至一月 一 精文堂集 此君子考德云備告子之子脱也謂不可以日無此君 襲道權圓質以象智筠外節分中禮節孤聳分近義以 為斗栗以罄折會乾瓜之不如從甲喧之末務殆心動 為貧知達人之吏隱志奚往而不申夫山林不必静江 日植物之生春崇秋悴歲寒後凋子實同類禀虚中以 拉倚風如愧如怨如慕姿態特異雖不能言請對以意 今不子顧也猶友生之離產學雖不以干禄任有時乎 而形癯恨願言之契濶詠瞻彼以躊躇是行也滴露如

抱關所遇皆適亦何有乎夏患若是則與子相忘不必 子肯放浪迹如漂萍南遊北沙舟車靡停隊被通邑豪 形遇未始有物孰好孰惡語意已畢子亦驚悟昼車詠 俊誇矜崇飾土木以麗争聲青棲朱閣邃室危亭月臺 歌風清月素 郭夫子養素丘園于室之右面梅為軒客謂夫子 不必問勿撓勿搜湛然乎有為之間乗田委吏擊标 雙楠軒賦

次已可量公言 氣於西岑方春之陽子梅向榮萌芽慈倩錯以瓊英 子之為軒也雙楠在前環以茂林來清音於南澗挹典 子拊髀而歎斂祥而對曰子樂在內子觀在外思莊生 之貴真與老氏之去泰審子心之所安雖容膝以為大 自 之巧啄玩惟石之殊形治此婚友意氣相傾飲何拘於 卜畫醉夜色之澄明今夫子之軒廣不數椽攬幽僻以 <u>峨莞風軒霧莞列嘉植以助陸東名能而播馨聆珍禽</u> 挺甘寂寞以窮年豈願言而弗獲将懷土而樂旃夫 橋文堂集

遗址 豪俊之樂不可保彼樂以物而此樂以道嗚呼告居此 門畫關乗化委分顧何有乎憂患子自謂此樂無窮而 **蹲中芳酒暢子情瀾勘言酌之亦既配顏荒徑自掃 锋瑶枝至映四時代謝此景循環載於載矚獨寐寤言** 夏扶肆此我墙屋翠陰正繁秀色可掬商秋既肅凄号 向彫凝露丹葉凉風韻係凛凛隆冬雪景尤勝王幹高 胡可勝記同歸乎盡逝若湍水釣臺嚴子茶舍陸 雖在荆棘搖空子有安宅亦曰廣居匪土匪木卷 衡

とうじくじゃ たっこう

壘好獨形勢腹背將軍以上惟敵所慎指揮迴天地 叱 吃推高公姨親豹于陣禽夏說于代彼趙人兮擁全軍 7/m/7 之威據空道之監登山以望泉寡既非其倫即鹿之圖 進兵席差清四海之妖氛原夫項氏暴興漢師數潰屯 **分高旗斜紛乗喋血之新勝建背水之奇勲卒破强散** 井陸之役信提孤軍師出間道分輕騎傳發敵據便地 舒在子子軒足矣將復何慕客聞若驚腆墨而去 韓信背水破敵賦 搞文堂集

陳餘以染諸錯據趙歇而併厥地國步沒廣潭心愈親 鼓以驕敢人之心易熾以感敢人之視洪瀾無際分軍 得失於是乎在我雖攻戰屢捷威武益張然師實遠關 馬用殿怒濤有聲兮神若同志雷欲電掃風起炎至血 湯湯還途塞兮議不延顧衆志竭兮鋒何可當爾乃棄 斷楚之臂亡楚之唇故初軍崇陽不能寸進者数歲及 死欲以存之必置路亡于是對大庫之整整背廣澤之 分法之所忌士非素拊分用或不臧欲以生之必陷諸

塞

欽定四車全書 背山阜者彼難於衝突而驅市人則我易以携貳惟變 莫测兮敵無以為不然安能以一當百而取之不疑以 大笑者多美聞而未然者有之計非常分故所不載神 言兵者莫不稱淮陰之善戰 次違經肯而從宜故得智勇兩全功名無擅由漢以來 勞制逸而用之不疲古有擊虚排術家之多忌易稱左 通不窮故勝可決惟沟湧在後故退無自于時也望而 核下卒集大統於真人由是知兵法貴哥將謀在智雖 . . . 文堂集

湯壁水初冲融坐想名園花芳菲街青紅儒官異拘窘 時問作解氣争豪雄微戰幸接武徒視勞無功軒應監 胡為苦匆匆來時招客醉駕言與君同 橋門並馳道車截聲摩空重廊隔器開聞若林巒中於 明察采集聫騎紛蹄騣交情金蘭契晤語樂石攻翰墨 日簷外鳴春蟲沉迷鸞節物飲啄嗟樊龍沂風漸澹 五言古詩 感春

下之里車全百 人 我如邊孝先性愛日畫眠眠眼易能寐愁思如湧泉東 答泣涕但漣漣是時月當午素影隊中圓 能寐體氣寧不便身心貴攝理事累宜棄捐而我無所 後長吁情緒更凄然睡思暫彷彿在鴈鳴九天使我不 我憂且病欲卧極遷延坐久覺疲倦就抚如臨淵展轉 同舍諸推子初更坦腹眠須史起臭息沟沟如奔泉而 晝卧偶成用前韻 夜深偶战 橋文堂集

言識與户解嘲懼赤族忽排賦長楊羞愧登天禄立俗 喜春色而我今猶然叱奴啟南應敬枕望青天浮雲來 子雲不偶時晏如在空屋席有玄虚文門無權倖贖法 相徒自腹便便悠思慕范蠡心形得兩捐輕舟泛五湖 飄飄飛鳥去還還望眼無窮極移即忠之前馬能夢 風榜穆和午影遲遲延憂多首自旋循如敗面淵人皆 短掉鼓清連規矩不我制所意成方圓 讀揚子

沙定 四軍全書 此致尤更精班豪誠可厭曹侈無足評斯文孰比擬誦 晉末何所似沒心雖長鯨生民畏擾攘威額視撓搶淵 水含沒霜月明秀氣如可掬妙理不可名解中有餘意 住趣落紙字字清有如碎寒氷貯之琉璃尝又如湛秋 明當此時棄爵務躬耕為巾漉家耐五乾壺再傾恹然 即寄傲無心事將迎眼底不足語筆下漫據情襟懷有 思徇道制行依聖讀身死名不朽馨香韻蘭菊 讀陶淵明集 摘文堂集

極曳睛絲池沼鳴細泉卉木互凌沒鉛華刷澄鮮擒縱 新霖澤國净禽聲落雲天精盧巧營構重扉鎖春好簷 体征日欲沉晚風薄虚翠深秋景物清蓮宮有佳致疎 之清風生 スシャーし 遇塵埃坐自捐云何寫軒曠松風鳴素絃 如削榴櫻開欲然零蕊莓苔鮮幽香雜蘭荃俛仰於 留題聖毒院 三月雨霧遊毒聖寺

到處使仰銷百憂喟然問圓頂有此能樂不 得精舍雲遠空中樓簷楹列清障下有百丈湫紅塵不 大学了一个一 迤轉 隈興初見嚴戀幽喬木聲霄漢風籟凌清秋稅鞅 勤役大無悰駕言從勝遊蕭蕭野色净行行村選修透 瞥聞音掃葉不侍等危軒逗寒色飛禽示真意勤役何 林速凄凉黄花美明媚山煙入寥廓螽聲失幽邃翻經 及辭妙觀良可秘歸數誠未央爾耳悲所志 留題覺慈寺 橋文堂集

金りしたと 邀客留蒲蘆捲土實側耳石門傍蠅聲辯湯俱茶品頗 云山逕坐消洞響寒溜時禽助好音百轉引鳥脏老僧 宿雨雖下晴輕雲猶出岫春深卉木繁千巖街芳秀誰 天工剖山腹翻然納虚秀環岡棟修蔭斜巔倚寒溜危 得清眄佳致絕織站夢想脱冠來塵緣苦相逗 列層級横梁跨深實浮烟幕輕緩飛禽引鳴胆冲襟 留題智者寺 留題婺州智者寺

鴻冥靦顏羞雜啄於馬得真趣豁若解其縛環愈惟載 水還関閉層密職籬落段編起待葱開徑徒參錯整鹽 澤國破秋仲景物兆冬索田魅卷林尾宿霧泛寥廓泮 言飄然出塵垢坐久月華生澄潭明列宿 自修擊拂振襟袖勤劬褻鑪香挹武殆三嗅稍定與之 雖寂寥文史於博約論古到鴻荒談經愧穿鑿逸志想 視等糟粕了了見本來端如契圓覺冲襟遊汗 和吳顯道

からりってんよう

梅文堂集

章臻炳樂良職服鹽車白駒繁場霍念昔始傾盖考正 イラモノニー 萬步趙廣莫同心有名儒攝官在我幕學識造淵醇詞 懷故鄉逝將依負郭古都富城市此屋麗金艘甲第臨 然真成均開教助飛躍冠綬追英遊林泉谢遠諾胡為 吾道斯為亨君才顏何作行當坐天禄看書資筆削不 薄九重 齊帝德四海絕民瘼南征莫蜜侮西戍 弭我掠 于狐務韻字凛可欽標致湛無着觞豆陪餘數翰墨時 間作晨嬉風力勁夜語霜威產屈指两炎凉流年信廻

童稚雜雅據尋步防蘭嶼選勝望菌閉比雖美無度鳥 蘿厲急軟遺僑馴禽棲几席丝花恆杯杓漁樵頻問訊 九三日二十二日 嘲謔知君須多暇過我當如昨若飲無俗情既餐有真 江壖勝槩奪雲壑曲溝環渌塍激澗度危行升島或捫 樂論文窮九疇議武貫三畧谁主復誰演此意良不惡 匪輕託野芹稱美獻行潦資遠酌騰言効惧幅豈止事 知垂所學待時既韞玉稅駕宜振鐸忠告冀母忽投分 題諸暨王秀才華軒 摘文堂集

書道自樂花柳春爭媚紛華非所事安恬養天智君家 復來兹芳非照華屋日長篇幕深欠伸倦晴燠英英同 春鎖膠库庭槐如東目沂風清畫吟璧水泛晨矚今我 逸少後芬芬今不隆文童擅場屋孝弟先間此小淹 三年客京華雰埃侵鬢緑花時豈相關熬養於自足故 卜居遠喧闌山中有清意中為風月軒周詩得標置琴 足嗟懿徳天所秘醖籍勿感慨雲雷起平地 次韻葉權之南宫春興 何

雖屢空潤身非潤屋揭來鎖南宫追此東風煥吟哦夜 廣文新次科恩袍園春緑香名滿衆耳要路策高足阿 諸生駭神速君歌我乃齊即以慰局趣 不休立侍窘童僕詩成字字清華星點秋肅中含不盡 房得第五中眉嗟志目平明趙省門容儀聳旁矚廪簿 明千官賜休沐我事未渠央矧敢念歸宿何當榜貢書 舍郎文采命騷僕真想寄吟哦诗壇令何肅惟時届清 再次前韻贈葉權之 橋文堂集

次足四等一至三

馬飲瀚海丸泥封玉關何必學孫吳功成談笑問西顧 **隣有三不速篇卷正沉迷當以從事趣** 鞘中長缺鳴將軍出天山前驅七草士鐵衣照朱顏萬 净無塵仰視太白閒歸來佐天子坐使淳風還 人真法器根性宿明悟開書一再過覆誦絕遺誤教 往往念歸沐遥知卧鸱夷獨酌慰齊宿云谁可與飲 贈 次韻各雅公異見戲 明智大師

鹽對晨的松非餘時羞淡薄本同適言歸異初謀親庭 次只可以不言 !! 滞念役役無時体冲襟得萬獨視身等虚舟萬少多逸 奉喜慶退有園池幽樂事題如此攬執安肯留塵區饒 學省無吏窘官聽如林丘寮來得之子一語消百憂虀 列圓頂瞻仰祛未晤執熱濯清風中齊飲甘露瑩如壺 乘治無涯秋毫析紛互援證窮理窟解源百川注曉堂 水潔如機上素鱗角雖出產豹文方隱霧 送安宣義選維陽 橋文堂集 <u>+</u>

益月舒以長麥天和更清初荷吐香芽新蒲生紫英濟 をラレノ 崇養志輕利名効官求便郡晨暮請安平兹行天所佳 濟幕中容眉間黃生明膏車指鄉國言歸奉壽熊上堂 **士盍往從之遊相見試舉似此語頗勝不 插告萬緒水火争奔馳浪自苦心胸沸庖烹賢哉吾景** 拜嘉慶喜雨淪飛覺班衣學古戲芳蘭逗春禁世態今 烟送曉征要當感星聚豈徒資月評 送趙節推公教還鄉

次定四華主 往歲别君去忽忽殊未養來兹指宿願一笑忘整鹽免 東陽見夫子格調駁心目相逢恨不早清違何太速咄 民願坐變六凉炎政行久彌勵語頌喧問間朝廷方額 號繁劇牒訴紛黎點君才古循吏公庭耿秋蟾借留適 俊延訪降宸嚴行矣決顯用此理君奚占 仰復去我促裝難暫淹重江逼潮信掛席程欲無諸暨 李縣还美替作此詩錢之 送曽正直 搞文堂集 十二

樂應顛登舟喜堪掬題橋釋舊誓彈冠俟新沐偃蹇 吐空中字便便榻間腹暫留腸九四言歸日三十到家 官獨冷悦此助清曠唯求詩句易於馬窺雅尚山陰昔 足嗟君看松與竹 公子有佳石丹碧非 白玉斗挹注秋混養有如澄江淨隱映朝霞上類林 友人有小石數颗以余酷爱将報惠住者唯求 诗賦以贈之 狀磊磊不盈掬巧奪三山狀貯 何

金グレルバラ

少是习事全書 一 仙滋收功逸而倍調丹雜樗猪服之母豫急能駐好容 紅紫春争妍那復俟秋幸兹花如端人凌瞧振輝彩英 颜延龄向干载事者抱朴書劉生豈予給 比松行芳氣壓崩匿飄零飲夕餐雜雜富晨采中有神 英剪輕雲粲粲絡珍琲天清月色留日淡霜華在髙標 换鹅派傅信非妄 七言古詩 同召文剛具那獻馬子才賦白萬得采字 搞文堂集

高僧欲現菩提心種竹滿軒功未徹嬋娟人共得觀臨 恬 對君不惜洛生吟更待詩酣歌一関 衛尉才豪雖卓絕弱志奢溫愧明哲羅綺叢中醉復醒 澹有谁廣白雪此君住致識者稀干古清風與明月 拍佳人不成列首門侍郎天機深傲世忘禁事高潔 印公主不解顏好行之心了無節紛華公竟致青螺 瑟師當知演說率然相造師勿嗔勝遊本為吾僧設 次韻張察推該塞印竹軒 1. 1. 次已日三八十 玉壘繞山夸蜀客豈知移根古壽官瑶草華枝伴蕃殖 争騁纖驪并赭白廣文官冷苦無惊偶到殊庭欣有得 枝侵香霧拂桁梧乗風欲關蜿虹絕都城三月賞花天 海常繞砌花如織日窺絳彩豔朝霞露浥芳苞點靈液 巍巍攘觀神君宅畫鎖眠魚斷人迹哪塵不到春自濃 雨餘濃麗應更好負貴奉吟心未息 嬌焼初值欲開時週視摩能澹無色許昌風雅機少陵 次韻鮮于學録太一宫海棠 橋文堂集

應敵豈解前無助今者西來皆計吏妄與羣俊爭文鳴 推鼻微吟同洛生 崎嶇干里到京閥痛定田思雙淚傾伊子少小親翰墨 去年隋晚一大雪雪路苦寒那可行行人畏寒無畏滑 田歸耕曷為養得失未易秋毫輕作歌即用寫情素 蹊堅氷如鑑明行裝人與馬成二身不自惜旁人騰 蘭溪葉字以甚阻水治山頂僧舍見邀作此詩 赴省試到關偶成

我時縣舟酣戰慄眼看民居半沉溺邑令之賢谁等匹 為治公居寄家室顧眄奔濤心眼逸寓居恰倚青山眷 Radar Chit's 附郭相君無所食愁霖謝子雖非敵少官徐郎良未懌 雨勢霧霓雨溪溢橫流不復相望軼浪花飛起三千尺 吁嗟比騰身未歷折腰遠來甘恐惕餐霞先生今鍛真 夜離天畢山川吐雲翳朝日飛魚吼空馳霹震 以削 和本運使題趙吏部容膝齊詩 稿文堂集

許爐香度惟箔吁嗟淡静世所艱此味要之屬丘壑能 泳源流激芳酌小齊容膝思易安顧躬俗緣嗟自轉琴 子薰稿古至今遗臭傳芬皆自作中郎天機湛秋水 樓茅簷僅容著心知侈汰非遠謀寄傲南總安所託二 甲第空富貴回頭驚旅泊又不見淵明三徑似元即藍 公不見金谷樓墨博寥廓珠璣映出玩瑪薄滿甑青螺 以膏粱甘寂寥道德髙風信玄邈 真長標置自非凡區 に、ロエトといる 對眼助清閒杖履從人笑陳累紅塵一 點不到處只 涵

次定马車全書 一人 雲牋皎皎月色明凝然刷将先管城一掃神怪吁難名 騰龍舞鳳相田紫倒日飜星草隸行或如懸崖倚孙撑 實池當几潤滑并蟾蜍玉實寒泉傾墨花泛泛花脚輕 區乃念東山樂見強逸少固所宜非識此生如寄殼會 又如脱兔馳萬兵猿攀虎怒勢爭鯨奔屋駭駛沒浪驚 絕韋編良不惡 須掩關友松菊俗子扣門從剥啄揮殘塵尾雖可住弄 為陳秀才題墨妙堂 插文堂集

蒙斯隸邀草伯英鍾蔡衛索更品評逸少無之集大成 寥寥干載無與京鼠鬚蠶繭松跡清玉華遗言同誓盟 訪求實字金消贏編兴軸老紛縱横名家諸妙皆有聲 銀鍋萬字揮峥嵘 埋藏不計申與庚模蹤間出相光品太丘佳士天氣清 君才調天所旌自襟洞然秋月明两以文章對集故 餘高致超八関深求衆法窺忘情會當臨池沿溢瀛 送葉朝奉

次已日至一个三 我之别号不識情君之爱我勤且誠祝君轉飛九萬程 靈椿丹桂分正為上堂獻壽樂事并餘數治比賦丁 老拳再中正者驚割鷄已詠劉江陵盤根錯節君所輕 斷蛟剌割無能攖懿效翹然宜熏征列章論薦仁且 人各有求心靡同世路奔馳如捕風我獨不願萬戶 男児功業貴峥嵘 炎凉三歲歌有成千室不放休車行班衣歸學嬰兒聲 上毛運使 摘文堂集 十九 明


我公所至皆可稱來暮己歌魚叔度去思還似謝吳典 自嗟此誠今未通何時垂翅附真鴻眉問黃色已可慶 報言有記下天闕公按濱江十四州審報己真驚且喜 子師氣格千里駒廣基文章一枝桂學優入仕斯義崇 天心憂勤念方面外臺遊選皆英彦我公所至綽有聲 入户不知推履齒拜塵潘子行有緣倒屣蔡公何敢擬 悄所願識毛公我公高才真國器醖籍聰明天所秘 炯精金經百錬昨夜使星入斗牛鵲聲晚送傅書郵

次三日、三日 懷刺過尋不問程剝啄扣關指所願谁云白首交如新 玄题 清議刻畫無鹽雖有心字穢太清徒自愧朝廷言路方 襟懷不復數秋達公不見張華一 思得佳士從之游今年折腰來佐縣解采接君心自見 坦夷比年漢詔下天墀所念淵明方為米會須平子為 公主侯印人所優利鎖名韁吾所羞耿耿有懷非隱憂 答王及之賢良見寄 搞文堂集 一賦致高位阮瞻三言得

喜氣填膺光淌面一首能輕萬戶係緑髮幸交三語樣 **育襟不復憂鄙吝圓緘寄我愁霖詩得詩三復雲牋卷** 安得論文永足日可嗟吏道事奔馳信信不見元紫芝 不發纖塵汚兩耳 傾盖相逢如故人囊中製作絕倫類和壁情珠無足珍 醉歸來書文室却怪前宵夢禄筆至音寂寞知者稀 今爾耳何為哉汗漫如君心自灰為君挹盡雙溪水

Carlo In 忘既醉是日飲興輕金船房擺蠶老舒長畫郊野麥秀 清和天主人放懷客盡量該問標韻凌雲煙醉歌耳熱 憂顏顛捧覺徒知詠酒頌側弁未始陪賓遊丈人襟懷 匪吾事兩腋清風同玉川願言乗兹騰倒景清都謁帝 無留涓宴開設此杯中物意如割炙何勤度數誠感激 湛秋水塵埃滌盡中恬淵美哉家釀蔵之久誓可與飲 沃軒曠眼看萬有心陶然平生不識飲中趣糟漿逆臭 當聞醉鄉之樂真且全青州從事鄉之賢五錯三 百 搞文堂集

新火炎炎勝西隅庖人握刀眄精廳几上飲內級橫鋪 中有一 眼看手指如典徒一奴禿首携酒壺酌之飲衆蘇勞痛 伯 到羊刺鹿皆模糊皮毛狼藉血盤盂巨索懸門地為爐 父有畫美且都丹青彷佛顏色渝塵埃漬渍相染污 **羣仙酒胤逸思不可遏筆端詩句如奔泉** 有筆畫存規模隔步看之有若無想像人物淪煙無 人與眾殊戴帽被甲腰屬鏤品藏形貌長髭鬚 求畫 卷一 次足可華全對 壇側毅然一武夫負弓韜矢手執殳左右不敢肆關 闇 此是胡中祭天圖故應先日事庖厨微生見之當題親 衆人得酒停烹屠延頸飲之舉兩賜有壇數級如閨閣 好之不啻千金妹 ~ 橘文堂集



次主四日本子三 藝聯千佛藏書閱五車風飲齊往拍豈謂史臣誇 儀比公視峻恩分将鉞華楚詩能教子沛易自名家較 戚晚聯榮久三朝慕遇隆身雖居寵貴志益守無冲 欽定四庫全書 摘文堂集卷二 五言律詩五排附 挽贈開府儀同三司朱公二首 贈宗室順國軍節度使開府儀同三司仲公 梳文堂集 慕容彦逢 撰

寂泉高閱冥冥隧路深堪傷純孝子揮淚血霑襟 惟昔都門别于今歲屢更周旋如昨日慷慨敌平生短 協三刀夢空嗟五鼓聲惟應文苑傳不愧史臣評 桂籍冠羣英驚人在一鳴遊風淹邁路擊水失鵬程已 襄事涓辰吉華旌拂晓參車與尊廣陌宅兆指遥冷寂 譽揚中外哀榮備始終新阡標氏族官是漢儀同 **贖方傳鯉長歌未報瓊仁賢何太嗇此理信誰明** 挽秘閣校理知湖州余使君二首

ノにた

17:11:1

次定四車在言 歸步武輕身雖同脱鞅心亦類搖旌三級看麟化千金 湛思詎有聲花紛晨霧委情岸宿雲橫納試庭除晚遄 墮喧喧虎豹爭氣衝牛斗動詞感思神驚收視疑無我 能吏來将盡碩生育樣窮底鰛頭角競崢嶸較較珠璣 漸摩又人村長養成禮聞祭眾聽文鑒肅羣情預貢觀 籍級干點會朝廷百度明規摹追古治符瑞協炎精九 叙民歌遂三階夜彩平東文稱濟濟樂育詠菁青經術 和劉著作偉明貢院即事韻

摘文堂集

語鼎浪閱名烹待報運星使據懷頼墨卿何當於魚鑰 **燕雀林嘯慄鼯鼬莫逆詣心賞相從與願并塵風傳勝** 壇瞻宿將筆陣却驍兵區劍騰秋紫霜鐘激夜鏗請降 白從天外得思與海同領相對一杯酒當前二尺弊詩 **並鉛刀慙利割尾金失虚鳴已奏青錢選初聞白雪賽** 海行正迷花錦亂忽覩玉壺清與義窺儒寢純音發帝 街許壁引過負廉荆水落崖方露犀燃怪自呈川吟愁 想睇迎膏梁搜衛霍行伍擢韓英巧思憐金汪塵言沮

人た言

次定四華全書 · 梅大堂集 初選華載時節简争訟息囊橐冠攘衰蓮炬騰宵漏花 鮮逆身探虎穴危忠敢筆駕點直氣懾狐狸要路淹風 穿揚葉科如摘頷髭繡衣趨觀闕霜簡照軒墀諫拂龍 宗派源流遠家聲竹帛垂靈暉鍾嶽清吉夢襲熊熙風 鍋丹心比日葵使臺專漕輓師間前邊陸久鬱公台望 寒食尚留餳 擅鄉評美尋膺國士知文章追往哲學識判羣疑試者 蔣穎叔生日

學優前哲香名自妙年文章思桂籍風采冠櫻筵要路 良月當初吉昌時叶半千氣鐘全壁粹壽東角九全殖 **替先據清班閱廣選芸書雕甲乙輔坐謁温宣丹陸趨 斜姿两鞜将畫鹿五總舊名龜儒效流經吹王功鏤鼎** 遂倚毘雅容承畫接家勿奉畴洛已冠中樞府猶虚百 朝候晓曦暫分方面寄復演禁林詞廊廟先圖任個 **桑更增箕選壽餘慶在庭芝** 許冲元生日 衡

綿龍輈迎舜日懿柱拱堯天夾載占輔鹿飛冠兆冕蟬 次定四車全書 一 鶴齡偕集木龜算等樂蓮內魏君臣契章平父子傳功 能聲映簡編冠清桴鼓絕訟息銗衛捐入謝雖言邁祖 **蹕雅容追通聯夜歸驚實燭曉直候花縣餘力無京輔** 得賢珥當屬渚上鳴佩鳳池邊點識通倫類先幾城眇 齊遽式遄詞林俄再入政轄遂詳延鯁議違時去丹心 許國堅賜環朝帝所曳優上星聽樞憲仍圖舊嚴郁慶 文石形庭詠綺錢雲梯滋穩步風關正孤審清切陪華 摘文堂集

|成五福具永作地行仙 宸慈特紀千齡遇詩似金躔夜吐光 聖主規模冠百王考兹秦實欲更張玉因天授來殊域 如好住氣繞楓宸珍符休顯光圖牒惠澤汪洋決士民 工與神謀軼信章羣辟球觀稱萬壽廣廷的受報多祥 層墀班序列華紳萬歲聲中人質陳映日浮筠盆黼座 七言律詩 恭和元日受實詩

時和歲稔民同樂古昔昇平似此稀 大王四年二百一 年年池苑春如許天子持盈旗幸稀 不放纖塵傍輦飛萬井歡心陪盛觀盈塗嘉頌紀鴻徽 塵傍珠鵜不敢飛威事傳為克壤頌薰風催入舜琴徽 **十萬宮花簇馬歸宜秋門道晚陰徵雲隨香霧相紫去** 天佑聖神方錫羨從茲諸福與詩新 轉達贏韶蹕歸晚陰風色倍清徵從教小雨霑花 恭和御製回靈詩二首 摘文堂集 Д

桃溪呈瑞屬神孫如犀巫應絲綸命帶粉初紫雨露痕 三干送釋拂朝雲想見坤祇夜駿奔懈谷論材間古帝 魚龍嘉戴出傳贏長堤映柳千門啓翠水涵空一鑑平 **乘時遊豫屬皇明芝益重臨太液清鵵騰信臣稱壽学** 天意自同民意樂無知草木解欣榮 (測九重宸莫永會須億萬數靈根 恭和御賜陽德觀碧桃溪新竹詩 恭和御製幸池詩 康光守土 次上四号八十五日 春爭麗高應晴空千不時豈止臣民胥鼓舞故應殊裔 聖心天意兩無違露灑文昌若應機非齊那子才甘露 應機 甘自蜜房分瑞液莹疑蟾窟借圓輝遍裝叢柳道合若甘自蜜房分瑞液莹疑蟾居 鑪篆回風翠鳳盤積有嘉祥占歲稔龍因芳久慶時安 東闕岩堯宴特頒樓前實燭萬星寒鼓聲泛樂鼉靈震 厭厭既醉君恩重歸路繁華緩轡看 次韻祝通直甘露詩二首 恭和御製采樓特宴之什

騎騎同雲結晚陰六花宵降聳瑶林一幹共慶農轉足 |露液無聲降自天清英含味淌丘園日中垂溜真珠落 亦心歸 况當節紀嘉平近時雪時賜自溥臨 四海安知帝力深陽位涓成初莫玉真祠的謝正齊心 風後寒澌雜珮翻呈瑞未央魯紀歲襲芬儀鳳亦更元 廣寒應德彰嘉祉臣子相看眉字軒 恭和御製以節近嘉平時雪驟應詩

皇心関雪正傾析盈尺呈祥靡願違潤浹土膏占歲稔 故當餘臘雨天花萬箱占瑞民青慶青幹迎春節尚遐 錫宴賜詩知有喜自應和氣浹潛芽 三元盛禮冠年華翼日朝限雪覆沙端為聖時調玉燭 既昭格已如庚辰降雪盈尺賜相臣詩 恭和御製以嘉雪怒候躬致懇禱精意上字靈 恭和御製元會之次日嘉雪應候錫宴于公相 之第詩 梅文堂集

需宴辰章次第頌祥雲宜入訴歌問心知旦暮千龄遇 最是三農知成樂數於無復數和寒 嘉平紀月近正端時雪時賜軫念寬雲色下收銀闕角 聖德格天超曠古更須宸翰述沉幾 和生民氣敵鑪煇千門瓊无連雲聳九陌瑶花撲面飛 日覩聲詩六義還治格雨陽皆順序慶均朝野共怡顔 月華徐轉綠旂竿映陷積素光相射迎吹餘花舞向闌 5 Ŀ 恭和御製喜雪

次定四華人言· **微臣切預承恩列廣和才菲若負山** 細礼初刊琬琰新盛比鈞天張九奏麗如華家繪三辰 欲知聖主憂勤意深拜宸章仔細看 舞節蹁躚應七盤門磔交修邦典備物疵銷盡里民安 永裕規撫映萬春孝思令見聖心循仁言盡集絲綸舊 日近新正臘已殘孽孽難鼓響晴寒神資颯爽來羣祀 次韻和吴右坐恭覧神宗皇帝御集詩 恭和御製觀難詩 楠文堂集

雪花新霧玉雲開慶侍來遊古戴山稅駕且需明月 往歲元宵寓帝京天光黯淡雪犇騰揚鑣公子羅干騎 低頭懶看南軒月撥盡爐灰對好朋 隨計書生對一燈舊事悠悠頻入夢新愁鬱鬱更填膺 適僚拜賜榮懷甚亦輟餘編寵諫臣 觴徐戴綵衣還樓臺燈火青冥外市并笙歌縹鄉問 次韻伯父元夕有感 武燈日侍親遊戒珠寺

次定四軍主 祥風時泛樂聲還歡謠已見喧民俗喜氣選知動帝顏 華筵樽祖幸祭陪宸文正比天文麗春力應隨筆力回 巍巍層閣倚雲開閣上書從帝所來率土士民瞻慶會 康莊雪景曜重闕宴錫潭潭府第問愛日似隨人意出 主聖臣賢千載遇欲形歌頌愧非才 膝下散好誰與共棣華相對醉配顏 和中書深侍郎喜雪賜御庭詩 和中書深侍郎君臣慶會閣賜御筵詩 橋文堂集

嬌紅全是武陵溪露沾宿藥金絲潤日炙繁英玉葉低 花市試詢桃李價從令不直半分錢 怪來籬下欲成蹊前似桃花賞客迷清郁雖同彭澤逕 如霞如錦色何鮮映日敬風特地妍獨占一春疑得勢 温部許持金耸醉戴恩同祝壽如山 一欺羣卉若當權自知麗豔能傾國須放香岂趁禁煙 次韻玩承書詠桃花朝六月開 和蔣秀才牡丹次韻

欽定四車全書 ■ 佳名誰為榜嶇冬牵惹詩翁躡及尋綠外清風先見竹 待撥頻頻即一賞振衣閉坐洛生吟 閉中樂事付琴書願生階砌青春好槐覆門庭遇客疎 静中新轉不妨禽沈酣山水真君事汨没文書豈我心 占断春光與秋色黃風特地與留題 塵襟滌盡更無餘兩字名齊信起予物外清標輕級冕 次韻題任承事清樂齋 和余秀才遊緑净堂以詩見寄 捕文堂县

此覽清虚有真趣不勞他境竟林泉 花陰長到夕陽天就開頗似陶潛逕適意何須范蠡船 國池佳處闢 軒西揖湖光入坐 筵樂本旬生芳草 更有狐吟寫幽思篇成渾似琢蹯璵 水根山脚最荒凉子隱頹祠足感傷廊無傾顛春草 庭寂静野花香聞之自可成酸異見此如何不斷 和 咏将秀才西軒詩 元卿

次定四車全書 横文宝集 心如潭底月澄明紫陰人散紅塵靜爐蒙香飄翠 庶 居隨處榜雙清借問何修稱此名迹似壺中水瑩潔 豈謂千年有遗恨數問頹屋枕溪根 功名終似李將軍安仁句語聊書實宣佩聲歌更襲芬 荆吳豪俊最編紛功烈平西自出羣節操不輕張御史 追想舊蹤徒怅望淡煙淺露忽斜陽 多猥以見屬輒賦四韻 知縣沈奉議所至榜雙清于書室諸公篇詠甚

意勤須索强隨從深思往往花盈睫得句常常汗浹貿 萬事始知關習否廣酬本合類撞鐘 比來維日捧詩筒久廢吟哦覺順慵韻除不容更屬和 蔣運鄉問頗願從頓得古文消日月更無住友話心智 夏情懷轉不中多愁多病愈乖慵匡詩該傳終難繼 · 必林泉堪寄 版林泉雖勝尚關情 和四十伯父見寄 吾宗幸有邊經笥却得時時一叩鐘

次世四等一至一一 横文堂集 林木先春緑意迴舞鳳寶書藏琬琰換鵝塵跡鎖莓苔 復驚文怪埒她牛敢將晚路輕王述决有亨途待薛收 路轉湖天宿霧開碧霞深處涌樓臺山川到午晴暉秀 君欲獻書真得計我今亦作董生謀 觀清表喜良傳三惠住章歎暗投已駭談鋒傾海瀆 錢承議行 答王賢良見寄仍次元韻 遊天章寺陪越師邵司業京東漕吕侍講通判

蝶夢回來側耳聽夜深風細轉分明嗟予觸物徒勞感 **賧遊不畏風霜動擬看雲尖送月來** 因兹却憶南軒宿兄弟之言悉至誠 顧爾于人宣有情军寺樓高聲更遠楚天霜冷韻何清 忍歌歸去行當獻子虛自嗟渥洼種垂耳服鹽車 五言絶句 題白沙驛壁 和彦昇聞更聲

次定回東主 战雨 煙雲凝經秋苔鮮多憑君莫拋攤留取伴吟哦 勞生成底事寸禄解紫人陽美溪山好歸數未有因 處静未有計徒勞真可傷山僧應笑我只為斗升忙 七言絕句 甲申十一月夢中詠假山 留題婺州孝順鎮寺 題婺州道傍水閣 和王推官正月十三日遊戒珠寺竹軒詩 橋文堂集

簷底珠陰月送來 積雪滿山寒不釋碧琅玕遠玉樓 臺林稍清韻風吹到 到岸何须般若船 誰種質當翠掃天擬將風月度流年當軒便是真如境 文官花畔揖羣英紫案香焚晓霧横十四年間五知舉 貢院即事 ノ -知貢舉文官花在試聽前 自崇寧癸未叨備從班距今十有四年間五

死臣四考 全書 昔陪清蹕钦靈真鲁對陳篁鎮帝倫士 粉牌時拂舊題名 醴泉觀宿齊詩并序 醴泉觀屬有公事免赴對御試草于道院之 而成訴 竹軒政和四年二月十三日被旨奏告顧視 崇寧三年正月十四日以中書舎人扈蹕至 齊館即曩者傾倫之地也屈指十有一年感 橋之堂集 載重來渾似舊

空吟春木與江雲 惟應雙鬢二毛新 非關色相與聲聞此意如何舉似君真馬不須鞭影露 本來誰道有迷雲 杯誰與細論文對影成三更此君却憶當年少陵客 如雲彩出無心一室初凝畫舫深靜對気氲水終日 和兵部何侍郎宜香閨五絕 月夜偶成示聖公巽

次定四軍全書 人 惟將經析赞沈幾 暗寫日色鑒重悼香霧横樣進講歸西學尚賢思禮重 誰知真相在清襟 不問無言與有言香山何事解聞禪來詩有香山寂須 百花叢裏度香風 夕薫猶泛絳紗中晓炷重添翠遠空欲識芬芳何所似 賦蒙收一日長文聞恩地自宗房時郎兩為常州 幸出門下掘衣獲造芝蘭室猶認當年月桂香及再至彦温衣獲造芝蘭室猶認當年月桂香 摘文堂集 預考

要似徽之爱此君 南郭先生物外人鍋金佳製喜重聞寫成圖軸閒來展 金盆馳問請關人郵信浮沈香未聞二十八言還寄我 知篆縷搖空處便是重重說萬緣 揮多謝管城君 寄單季隱 次韻上酬四十伯父 次韻上酬郭慎求長官

大学可科公司 我僕雖勞日未央秋風行色稻花香歸心那解同元亮 此心隱處是南枝 官况由來似偉長 笑聽嚴齒出相迎 别時新柳拂煙汀已見黄花照眼明却憶荆溪寒雨夜 霜風栗烈砭人肌又是江南梅發時寫影尋真未端的 題婺州多福寺壁 和街好題孫德明墨梅 擒之堂集

	1	1	1		Ī		F
			1				会にとんろうと
							1
							12
				, i			1
							3
							-
							P
							*
							卷二
7							
		1					
						- :-	
		. 8					
							-
							1
							l

欽定四庫全書 欠このようという 至思既揚孚號寫邦家之多慶敢替舊章兹上奏對亟 朕膺祐上靈占祥右恢爰當初時肇賜美名申父子之 拂文堂集卷三 册禮載詳謙挹良用歎嘉特徇度祈永終遐福 詔 賜仁福帝姬辭免册禮許允詔 賜少保太宰兼門下侍郎鄭居中辭免男億年 構文堂集 慕容彦逢

其子力學為行達於朕聽不有褒嘉何以示勒是用寵 復有陳通以待試學校為言朕嘉卿徇公忘私遵奉法 以芸閣之華卿抗疏態免朕親御翰墨既却其請矣今 朕搜揚俊又靡間疏巡惟卿以道德熟業異替大政而 令足以率屬在服持從其志兹永有辭 卿時之先覺以道德謀謀佐佑大政兹延登於保輔寅 さら、四人 石屋 直秘閣光詔 賜少保太宰鄭居中辭免册命允所乞詔

次已四事公事 一 事則修以典章則備官師共恪民物阜安蠻夷率俾雖 **肥意切朕勉從之以成爾為謙之美** 命馬所以優禮元老為在廷之勸也今卿抗疏懇避辭 亮天地師長百家任重禮隆肆命宜允 朕承先帝休德永惟熙寧元豐之盛以紀綱則肅以政 卿位宰輔引年得謝以三公就第列宫師備文物而發 戒勵百官遵奉法度詔 賜新除太傅致仕何執中辭免冊禮允詔 楊文堂集 · =

三帝三王之治未有以進此也朕嗣守基緒監於成憲 隆親親恢崇學校以一道德董正官儀以辨職守刊憲 真緝熙潤色之以垂無疆之休故首命輔臣慎商乃僚 令以明禁戒欲下不加賦而國用足則理財以義欲邊 者朕於此繼其志述其事唯恐其弗逮故惇睦宗族以 講論底續凡先帝之所議而未行或已行而廢於元祐 效彰明較者者盖不可以一二數也題者太史獻言 不告警而疆土闢則禦戎以威小大精粗本末具舉其

스 그

成於兹爾亦有辭於永世 意其或志在傾巧而以浮言動搖習於怠惰而以便文 禮功成之樂以明繼述之效若此凡百官君子其同協 此法度優将無為承天之休以事太平繼又肅儀衛考 星循軌考之 次三日三八日三 **饶倖朕得治而懲之咨爾在位明聽朕言朕将垂拱仰** 心導奉法度堅如金石信如四時以副朕至誠惻怛之 星辰正衣服下至百工技藝罔不興飭将討論治定之 故實時惟休應朕用嘉之 擒文堂集 樂與卿大夫守

成命 殿高華祠宫優秩併為汝寵昭示異恩宜止謙詞亟祗 朕所聚嘉兹抗封章累以疾請察其誠確俾即所安秘 **炯操履端靖問學醇明再直禁林進承密命文詞議論** イデスモデ 以卿才資疏通風力强濟往膺聞寄方的壮猷爰准 炎辭免恩命不允詔 賜新除顯謨直學士依前永與軍路安撫使賈 賜延康殿學士强淵明辭免恩命不允詔 17 July 卷三

飲定四車全書 ■ 禁林詞臣以重德原望獨承密命盖極儒學之選卿經 北門視草朕所慎選以卿經術深美文詞典雅踐揚 術醇深文辭典麗明於大體議論有餘俾踐厥官時乃 親握抗章引避未體眷懷成命已行宜祗受之 一以罷行件增華於所治勉圖報稱勿事謙辭 賜翰林學士馮熙載辭免恩命不允詔 詔 賜新除翰林學士承音馮熙載辭免恩命不允 橘文堂集

要終有華問乃兹親握件践殿次抗章祈免未體眷 文昌諸郎必資材望以伯達楊歷有譽俾踐殿次而卿! 朕命惟行宜即祇受 抗章引嫌祈寝成命東公守正朕惟汝嘉惟官擇, 親擢於義無慊勿復有陳 賜少保太宰兼門下侍郎鄭居中 郎恩命不允詔 奉郎知大宗正承事李伯達除尚書度支員外

辭宜體朕懷勿復祈免 謝惟優恩其禮乃稱始終待遇之學廩策之入碩何足 火之四車全書 ! 卿以甘盤售學輔相联躬熟德兼隆為時元老今兹得 **郵洵仁省所奏辭免恩命事具悉禁林承古儒者至** 久缺不除盖重其選卿志操端请學問深醇議論文 詔 賜新除翰林學士承古鄧洵仁辭免恩命不允 賜太傅何執中辭免思命不允詔 橘文堂集

視草北門極儒人之選人惟求舊中命用休以卿學識 近宜體朕着往林承之 高明文詞典雅曩踐厥次休有譽言召自遠邦再入秘 章夙有華問典司內制朕所眷知兹用褒嘉俾奏密命 趣宜祇服好復有陳 大司成總學校之政令非望顯於時多士信服者不以 賜新除翰林學士許光疑辭免恩命不允詔 賜大司成陸蘊辭免恩命不允詔

文定四事全書 一人 梅文堂集 六官之貳資望高華卿學識淹該復行轉茂揚歷有譽 次胡為謙避宜即飲承 淵源辭知體要揚歷華顯業履兼隆乃兹新除俾遊展 北門學士潤色論思為職考擇之慎必惟其人卿學有 宜體朕懷往私成命 輕授即桁業行誼朕所嘉尚是用輟自詞掖件踐厥官 賜新除工部侍郎方會不允辭免詔 賜新除翰林學士劉嗣明不許辭免詔

宜踐厥官胡為撝謙尚勤訓告朕命惟允其往欽承 朕以某人禀資沈勇護塞忠勤進築新城大殲羣兔旌 載詳勤恪深用數嘉 汝遠有邦土久衛邊陸丰當時序之臨来效物宜之貢 勅 書 賜保大軍官吏等示諭勅書 賜龍州知州彭允宗等進奉賀端午節溪布勅

沙之四事五十二 興情 勃具官某書曰非佞折獄惟良折獄故朕於刑法之臣 通誦羣書與夫八行八刑之文小子有造在於屬籍義 朕恢建醫字聚衆姓而教之惟汝三子年尚幼也而能 其師律錫以将旄緬懷吏民爰及師放兹聞海號諒 方盖有自矣朕用汝嘉 賜修武郎趙子噩獎諭勅書 朝請大夫行大理寺丞馮大釣可大理正勅 橋文堂集

撫邊睡克有顯庸宜加龍命俾聯班於上宰兼視秩於 **貳公爰易将旌仍陪封戶巡聞孚號諒偃羣情** 劫某人等朕以某人氣節忠統材猷陽廓比膺詔旨往 選任尤慎爾丞於廷尉克有譽處宜能體朕欽恤之意 惟詳正之官實佐卿貳今以命爾尚其懋哉可 賜知安州向萬鄉等進奉賀天寧節并端午冬 賜護國軍官吏人道士僧尼百姓等示諭動書 正溪布勅書

淡足四事 全言 爾祗服朝恩介居追裔爰因嘉節克謹舜儀載省勤誠 爾世服朝恩嗣修貢職爰因令序克講奏儀載念恪勤 不忘嘉歎 良深嘉尚 勅書 賜保静州知州彭儒武等進奉賀端午節溪布 賜保静州知州彭儒武等進奉天寧節并冬祀 冬正溪布勅書 梅文堂徒

載念忠誠益增嘉歎 朕承右序之重思保文之艱若涉巨川罔知攸濟若構 汝邈在裔居克綏世守當端辰之紀節修遠貢以效勤 勃父作子述繼明以照四方君令臣共相待而成! シリンレル つき 大人獨求威成深念照寧元豐之間高越貞觀開元之 一以謂先皇帝聰明睿智齊聖廣淵旋乾轉坤舊無前 中績深根固落建不拔之宏基十有九年一新百度 **誡諭三省樞密院修舉先朝政事**

畅戀夷大聲如雷霆可聞而不可象其震為章如雲漢 都的吁佛謀謨至詳緝熙儀刑典則俱備思洽動植威 The state of the s 考實揆往驗今孰戾而弗修孰委而未舉於馬匪迪問 澤於無窮尚懼科條雖設而考數或遺敷繹徒勤而發 復舊章惟徒法不行必得人而後舉而美意所寓蓋流 惕若属咨爾執政時予仰成遠事先朝與聞奏訓循名 揮靡究不足以揚不利之典垂無疆之休恭點以思休 可仰而不可繪其光肆朕繼統監兹垂裕爰詔列位悉 橘文堂集

或愆忘 生ラしたと言 物皇后鄭氏朕夙駕齊輅親祠泰壇格兹熙事之成實 乃猷各倡厥屬率時昭考予将比跡於周成格於皇天 亦柔儀之助方還詔蹕處閱慶函載味勤誠良深嘉歎 爾無專美於商尹故兹誠論其往率循 批益 賜皇后賀冬祀禮畢批谷 賜內中夫人郡君已下賀冬祀禮畢批谷 物失宜口予之咎底邦作又惟爾之賢其慎 卷三

汉已四事之子 一 朕涓選靈長稱扶元祀祇膺統佑獲底熈成兹閱慶章 氣實相盛儀及兹詔蹕之還首閱慶函之奏勤誠斯至 **敷尚良深** 劫朕幸修天報爰舉明禮服事远成景既昭格有嘉同 載詳慶情良悉柔誠 勃某人等朕幸修元祀祗見上等熙事运成休祥類至 賜大長帝姬賀冬祀禮畢批谷 賜皇弟燕王越王賀冬祀禮畢批谷 楠文堂集

盖賴股肱之助克濟宵旰之勤以卿道術純明罷業閱 於宰席既數告於朝倫胡為為謙尚形遜避 鄭行馬而志潔論正而謀嘉以文武之兼資有忠孝之 朕承列聖之垂裕膺上帝之降康適求殿寧考重其相 備形善領虔誠斯至嘉歎良深 ノンピノモ・ブ クラモ 八節踐揚政路於兹十年替異治功允惟一德用延登 賜新除宰臣劉正夫辭克恩命批答仍斷米章 賜新除宰臣鄭居中辭免恩命批答仍斷来童

アミコラ こう 詢謀至重授受豈輕以卿學識高明罷能宏博慮經來 萬務以情四方卿學所宏深罷識高遠端亮之節者於 朕惟本兵之府天下武政總馬嘉與不二心之臣圖回 以式百辟其通敏足以賛大猷肆膺注意之公用錫揚 朕祇循考翼軍承天休永思萬化之原必資一德之輔 而不競言辰成而可稽自推近司於兹八載其忠亮足)龍朕命不奶爾勿固辭 賜新除知樞客院事鄧洵武辭免不允抗答 橘文堂集

懷往祇厥服何為謙挹尚勤訓詞 無或重陳 稱豈特褒嘉輔臣将以為卿士大夫之勸也往祇龍命 司涓日陳儀班百辟於廷而册命之位重任隆禮惟其 卿以忠恪端亮簡在朕心握位宰衡進秩亞保已戒有 たいとくせいしんごっち 朝倫忠讓之言簡於朕志通以舊獨握長極廷宜體朕 賜新除知樞宻院事 賜宰臣鄭居中辭免册命不允托答仍斷来童 卷三

巻承之 次定四事へう 擢長樞莞方行進為為章繼陳殊佛朕志母煩訓告往 朕以卿帷幄舊臣謀謨之嘉素履之美職察盖有素矣 制 制 除檢校少保充護國軍節度使開府儀同三司 依前中太一宫使加食色食實封差遣如故某 幽来章 構文堂集

和器任大而有容謀經遠而充繼東忠自奮內宣心婚 揚猷告之言寵錫勞還之禮具官其直方莊重數學裕 之虞肆命信臣爰整干戈之衛總護諸将屢奏庸公評 朕經武以綏萬邦信賞以勵羣辟有懷寧考不忘疆場 靡辭難言皆底績出入韜鈴之略縱橫帷幄之壽日百 之勤仗義不回外著爪牙之助項膺中詔往撫西陸事 里以開疆新城列峙月三提而獻馘狂敵殄鐵招米通 逃懲革奸矯點羌請命遠夷鄉風茲聆奏凱之音特異

之龍寄名進貳公之貴封陪多户之優凡殿思章時惟 Later Just All In 前哲往終祉福豈俟訓言可 歸自鍋召公以平淮夷之美告成於王迺眷壮猶無愧 褒律敬自朕志協於師虞於戲吉甫以伐獨犯之功来 **畴庸之典視秩上宰聯來繡之盛儀易節雄藩峻旌麾** 之戒修嚴武備贅物治功選於臣鄰既得詩書之帥授 朕率時昭考建社稷無窮之基若昔大猷謹疆場不虞 武康軍師度使除開府儀同三司某制 楠文堂集

無循點養交之心風被甄陞函踐華要令聞令望民言 進視公台丕告治朝顯揚休命具官某罷博足以任重 以麾節俾宣道德之威遠閱歲時宜轉功次肆優品秩 號惟開府建自魏制而儀同本於漢名階序尊崇禮文 加予注想未申褒典殊欝眷懷是用按歌舊章錫兹龍 旗增北爪牙之衛龍韜豹暴獨專惟幄之壽念爾宣勞 維休嘉謀嘉猷國是允賴囊付六泰往臨三軍并鉞參 才髙足以濟繁憂勤百為有忠精享上之實險夷一節

次かのすべこす! 具官具遇守洗雄性資嚴異奇謀必中擅玉帳之威名 以属世惟兹異數匪曰私恩視爾師寧爾邦期克邁於 貴重簡在朕志愈謂汝諧於戲名罷不以假人爵禄所 功迺滕爪牙之臣充勤疆場之衛涓辰錫命孚號揚庭 周官以八柄詔王莫先馭貴左氏以七德經武亦曰定 興訓修乃職者乃瀍佇益奏於庸功 兼知熙州其制 除保大軍節度使充照河蘭湟路經晷安撫使 捕文堂集

寄任并示褒嘉於戲往城於方出車所以美南仲用鍋 無返肅清邊徼方百堵之皆興用答殊庸特頒優賞洛 義勇無前禀金行之勁氣久共武服積有戰功兹統鋭 爾祉江漢所以命召公無替前修尚觀遠業可 郊顯鎮們進東於将旄狄道雄藩兼罷專於師聞益隆 兵往築新壘悉乃心力濟予事機誅斬寇鄉曾隻輪之 皇叔府州管內觀察使仲間可持授昭化軍節 度觀察留後皇叔閥州管內觀察使仲搏可

えのこのうという 若構大厦必資柱石之强若濟大川必假舟航之利乃 朕承列聖之休緒臨九有之嘉師過求厥寧考慎其相 敦睦之思亦以彰忠厚之化具官其爾等列於屬籍風 之崇尚體眷勤克綏祉福可 奉内朝恪謹有常祗循憲度宜錫命書之龍進陞留務 勃朕永懷孝思念兹祖考推原所自褒顯近親豈惟示 除少保某太宰制 授建武軍節度觀察留後制 搞文堂集

速而不競謀底成而可稽師言克諮國是永賴宜自手 孝之業回翔政路於兹十年異於治功允惟一德慮經 賢佐學洞六經之為為時儒宗恢恢文武之資顯顯忠 眷良弼風著顯庸宜申注意之公用鍋揚廷之龍具位 而選於衆朕不昧於知人迪高后而監乃僚爾無忘於 某道深造而自得氣直養而至剛材周萬務之微真古 樞之貴延登門鼓之崇兼總東臺升華亞保加以爰田 賦陪之真户之輸併鍋龍童式昭異數於戲舉皇尚 卷三

商知比自民曹領職天府寬猛交濟治狀顯聞是用酌 識高明風由儒學之華歷試事為之劇望實俱峻朕所 轄分總六官參替機衡實聯近弱具官某賦材関郭益 報上往服成命期邁前聞 於師言擢與大政件據遠業修輔联躬於戲惟虚厥心 勅昔在神考若稽周唐正名百工以熙庶績惟中臺二 乃不惑於是非之正惟常嚴德乃不牽於好惡之私往 户部尚書孫子美可尚書右丞制

沒己日東三

橘文堂集

學貫於淵微明識開於倫類風以文采擢置甲科險夷 德之臣仰與萬幾之政具官其氣節剛般才猷请深道 劫朕仰承天休中外康义嘉與熬獻守兹太平肆求 服朕言母易素守可 體朕用汝之意使命令之出於中臺者問有不減職業 備更趣尚堅正曩司風憲進長儀曹忠謹屢聞國是允 賴宜膺柄任修輔朕躬於戲綱轄之地庶工所瞻其尚 朱諤除尚書右丞制 として 次マコミニニョー 勃朕敷求一德之臣與之共治惟中外萬務總於文昌 朕志養自憲部擢與機衛居多建明國是允賴宜膺龍 而左右二水實司筦轄更踐厥次必惟其人具官某識 乃能斜率官聯往服朕言勿替素守可 **度高明謀謨忠亮夙以儒學揚歷要塗業履之優簡在** 一樣於六官者問有不肅是為克稱尚欽念哉可 進服左綱於戲惟虚敬心乃能振舉極憲惟正敬己 尚書右丞鄧洵武可尚書左丞制 楠文堂集

寄簡知滋久褒陟為宜具官某材猷閱深罷識淳大 由學行之懿沒膺問譽之華踐揚居多險夷備歷靖共 勃朕宵肝圖治以承天休远晓極憲之臣均任股肱之 惟和惟一乃能協養廟謨往服朕言尚加厲勉可 心宜服寵章序陸左轄於戲惟公惟正乃能振舉機要 不撓公論所嘉比自民曹擢與大政業優休顯益契朕 梁子美除尚書左丞制 部侍郎杜常可工部尚書制

次三四年八五 某政扬要路業復清優輟自中司分長憲部會課来 守兹太平別中臺六柳品秋高顯選用之體得人惟艱 予工宜以命汝惟程衆藝飭五材成總於汝尚其勉哉可 具官某操履謀該濟以問學持索侍從望實兼隆畴若 勃朕總聚名實凡小大之臣必惟詳擇底幾協於克 勒考續之政掌於有司雖吾八座之臣亦率是法具官 尚書制 承議郎武刑部尚書侯蒙可朝奉郎武刑部 捕丈堂集

宜以序遷鍋茲命書往其銀佩可 勃中臺六卿時謂八座秋品隆峻逐授攸艱具官某曩 恤無紹前休可 以材飲沒膺推擇推自項園任子中司整的憲綱充有 譽處秋官之長往惟汝諧其既乃心以倡殿屬惟刑之 朕宵衣旰食屬精萬幾惟二三執政大臣均任股肱 尚書左丞何執中可中書侍郎制 御史中丞侯蒙可刑部尚書制

PALORE ALLO 官某器識端亮謀猷廓深早膺搜揚進講潜邸經術行 政用人惟爾宣奉其尚益尊所聞迪朕以先王之典夙 是用延登西臺進縣右弱廠自朕志協於師言於戲立 劫朕考擇臣鄰與圖邦治惟右省號令所自實司化原 誼朕所簡知曩縣銓曹雅總綱轄守正不挠為時老成 之寄而發號施令根本於中書必惟忠良乃克有濟具 夜靡解期底成功 問專美於前人兹有 辭於永世可 **鄞洵武除中書侍郎制** 橋文堂集

宜膺寵命陞貳西臺於戲立政惟其當故德澤下 嘉異賛國是比以序進延寘左綱忠恪之誠益契朕志 六藝之文識通萬微之要揚歷華賞致位近司謀献惟 朕詳延儒臣與之共政惟東臺出納命令緝熙皇極登 用人於兹夫豈輕授具官某直方不撓寬裕有容學總 惟其能故職業交舉往據遠業勿替朕言可 何執中除門下侍郎制 卷三 「流用

師言允諧比服寵章進直西掖任屬加峻忠恪益彰宜 宜具官某早服寵榮寝踐華貫再尹京甸两冠民曹曩 以亮天工往服訓詞圖休於永可 以序陞位於黃闥於戲惟守正可以斷國論惟同寅可 於倫類學兼綜於古今侍朕初替舊膺賬察握真近弼 劫朕體貌大臣恩紀維厚任均快勤之異禮全進退之 士充太一宫使制 左光禄大夫守門下侍郎吳居厚可資政殿學

|美三日子 Allo

摘文堂集

Ŧ

歲籍兹援引年之義數形避位之言封奏繼来個數莫 是為優遇無怠敏承可 奪宜從爾請昭示朕恩用加祕殿之名仍領真祠之秩 推近司初持右轄府由西板進直東臺於費政機屢更 勲與大會課殿最之法悉以各之具官某曩直詞垣進 勃六官之貳皆予侍臣而吏部職任銓綜至於封爵策 ,項圍繼自盾省推總憲臺文昌貳卿今以命汝惟朝 御史中丞席旦可吏部侍郎制

全少四人人

卷三

廷所以馭羣吏者其法既具往祇厥服尚其懋哉可 登耗之 是則其責蓋在於民部故二卿之選今難其人 之令凡所以緝熈先猷者問不備舉雖內則羣有司外 時間者修水土之政行鹽茗之法廣山澤之利復抵貸 朕以義理財庶幾家給人足國用饒羨如熈寧元豐之 具官某才識敏明操守純正踐揚中外練達事為吃膺 則四方郡縣推行之至於逆其治聽其會以稽其勤惰 光禄卿除户部侍郎制

·又小了int Aid

橘文堂集

至牙口是人言 另中 哉惟欽勿替朕命 選檢長於熟寺凡邦國酒體膳羞之事以修其儲備謹 任雖不同舉斯以加諸彼擴而充之其則蓋不遠也往 其出納節其等差量其豐約為職今予命汝以貳民部 朕總數名宴為官擇人凡內外小大之臣問不考勾 臺貳柳秩望華顯俾踐厥次必惟端良具官某學 曹制 通直 郎顯謨閣持制席旦可户 卷三 部侍郎管勾右

炎之日本二 資疏通心術宏贍揚歷事任見謂詳明項膺選倫權長 譽處暴雅憂制既遠祥琴宜還近班往副民部體兹眷 勃 朕總聚名實為官擇人凡內外小大之臣問不考勾 **術純明操履堅正詞垣盾省憲府鈴曹揚歷滋多休有** 龍無替欽承可 臺貳卿秩望華顯偶踐厥次必惟端良具官某性 制 朝請郎武光禄卿韓持可戶部侍郎管勾右曹 楊文堂集 Ī

嘉具官某疏通有謀莊重不撓奉行韶旨開闢土疆三 眷倚用鍋明命進直西清尚懋殿成嗣膺召擢可 至平州靡憚衝引舊城既築新境来歸績效若茲良副 服在師聞而以四方之功達於朕聽宜優慶賞昭示罷 勲寺率職有裕朕所眷知宜服命書往副民部邦國材 イングにとって 用汝實總之圖稱所紫無替忠恪可 朕操爵禄之柄以褒勵庶工察其勞能雖微必録別 廣西經略使王祖道除龍圖閱直學士制

沙足四年 二十 某項任民曹職當遵奉巡懷私意妄改詔條彈華以聞 **泰承推原美意緝熙訓典垂休無躬联嘉與公卿大** 兹成憲其當紛更沮壞於其間者必治而懲之 朕惟神考稽古縣今制免役之法以子惠天下紹聖 具在肆加民點用做官師往省前您母重後悔可 侍御史余深可除御史中 士制 樞家直學士知成都府虞策 捕文堂集 Ī 人春

邳忘比自螭均延寡横榻風節勁特知無不言忠蓋岩 莊以殺學博而醇暴膺選倫揚歷憲屬望實之峻朕不 勃叙進羣吏邦有典常雖吾從臣亦率是法具官某權 兹良副朕志宜加褒顯握總臺綱往服命書豈俟多 勃中司之任肅正朝端明法直絕國是允賴具官是氣 朝奉大夫充顯謨閣待制知瀛州張近可朝散 大夫依前充顯謨閣待制差遣如故制

次アコードンニョ 動具官其光禄置腳班序視七寺為高故常擇望實力 次者居之惟爾累更事任往踐為宜凡邦國酒體膳養 龍嘉往服朕恩無忘属勉可 在即聞克以材稱會課當遷有司條上宜陞品秩以示 政隨其等差務協於度時乃稱職尚欽念哉可 觀制 朝請大夫光禄卿李閱可顯謨閣待制提舉官 衛尉少卿韓持可光禄卿制 梅文堂集

服米於朝實長軟寺朕思處之不失其宜又念其項師 在历过是自言 **坳司衙副卿今以命汝往踐厥次尚其懋哉可** 具官果衛尉掌邦國器械文物之政令凡武庫之 祭祀朝會羽儀節鉞之 能遇羣臣務全禮意均勞之 華閣從任優扶尚慎殿思可 郎席震可衛尉少卿制 **蟹摇克復疆土且神考選核之** 卷三 屬總馬汝比雅記史日侍 乃異思具官某 臣是用假